

Morning Dogri (NSD) Bulletin 26-06-2024

आकाशवाणी

- लोकसभा स्पीकर लेई चुनां अज्ज होग। स्पीकर दे ओहदे लेई एनडीए नै ओम बिरला ते आई.एन.डी.आई गठबंधन नै के. सुरेश होरें गी खड़ा कीता ऐ। ं
- विदेश मंत्री डॉ. एस. जयशंकर होरें आखेआ ऐ जे अफ्रीका भारत दी प्राथमिकताएं च शीर्ष पर रौहग।
- भारती रिजर्व बैंक दे गवर्नर शक्तिकांत दास होरें आखेआ जे भारत 8 फीसद सकल घरेलू उत्पाद दी वृद्धि दर दी दिशा च बरोबर अगगे बधदा जा करदा ऐ।
- जम्मू-कश्मीर दे लेफ्टिनेंट गवर्नर मनोज सिन्हा होरें बालटाल च श्री अमरनाथ जी जातरा आधार शिविर दा दौरा कीता।
- सुप्रीम कोर्ट च दिल्ली दे मुखमंत्री अरविंद केजरीवाल हुंदी याचिका पर सुनवाई होग।

<><><><><><>

Speaker-Lok Sabha

18मीं लोकसभा लेई स्पीकर अज्ज चुनेआ जाग। सीनियर बीजेपी सांसद ओम बिरला जेड़े पिच्छली लोकसभा च बी बतौर स्पीकर हे, होरें गी एनडीए नै इस ओहदे लेई नामजद कीता ऐ।

ओम बिरला हों कल संसद भवन च प्रधानमंत्री नरेंद्र मोदी हुंदे नै बी मुलाकात कीती। दुई बक्खी विपक्षी आई.एन.डी.आई गठबंधन नै कांग्रेस दे सांसद के. सुरेश हों गी इस ओहदे लेई खड़ा कीता ऐ। इस ओहदे दे चुनां लेई दौनें मेदवारें कल अपना नामांकन भरेआ हा जेदे लेई अज्ज चुनां होना तय ऐ।

<><><><><><>

Rahul-Gandhi

कांग्रेस दे सांसद राहुल गांधी हों लोकसभा च विपक्ष दे नेता होंगन। पार्टी महासचिव हों नमीं दिल्ली च कल मीडिया गी इस बारे सूचित कीता। उनें आखेआ जे कांग्रेस पार्लियामेंटरी पार्टी चेयरपर्सन सोनिया गांधी हों आरजी तौरा पर बाए गेदे भारतूहरि मेहताब हों गी लिखित सूचित कीता जे राहुल गांधी सदन च विपक्ष दे नेता होंगन। इस बश्कार आई.एन.डी.आई गठबंधन दे संसदीय लीडरें दी कल कांग्रेस अध्यक्ष मल्लिकार्जुन खड़गे हुंदे निकवास पर इक बैठक बी होई।

<><><><><><>

NEET-Exam

नीट-2024 म्तेयान घोटाले दे इक हों आरोपी गी तातुल पुलसै गिरफ्तार करी लैता ऐ। आरोपी दा नां संजय यादव ऐ। अज्जै तगर चारें चा दऊं आरोपियें गी हिरासत च लैता गेदा ऐ। चऊं लोकें खिलाफ शिवाजी नगर पुलस स्टेशन च मामला दर्ज ऐ।

जलील खान पठान जेड़ा लातुल परिषद स्कूल च इक टीचर ऐ, गी 23 जून गी गिरफ्तार कीता गेआ हा। आरोपी संजय यादव ते जलील खान पठान दे मोबाइल च नीट म्तेयान च बौहने आहले 12 विद्यार्थिएं दे म्तेहान सरबंधी एडमिट कार्ड पाए गए न। इस हिसाब कन्नै नम्बर बधाने लेई विद्यार्थिएं ते उंदे माता-पिता थमां लक्खां रपें दी मंग करदे हे। शुरूआती जांच च पता लग्गा ऐ जे धारा शिव जिले दे ओमेर्गा दे एरन्ना कौंगूलवार ते दिल्ली दे गंगाधर दे रौहने आले आरोपिएं दी मदद करदे हे। उआं आरोपी संजय जाधव गी कल अदालत च पेश कीता गेआ हा ते उसगी 2 जुलाई तगर पुलस हिरासत च भेजी दिता गेआ ऐ।

<><><><><><>

External Affairs Minister

विदेश मंत्री डॉ. एस जयशंकर होरें आखेआ जे अफ्रीका, भारत दी पैहली प्राथमिकता च म्हेशां बने दा रौहग। नमीं दिल्ली च अफ्रीका दिवस समारोह गी संबोधित करदे होई उनें आखेआ जे अफ्रीका कन्नै भारत दी सांझेदारी रणनीतिक ते आर्थिक लाह् थवां परे ऐ। उनें आखेआ जे प्रधानमंत्री नरेंद्र मोदी होरें 10 मार्गदर्शक सिद्धांतें तैहत अफ्रीका आस्तै भारत दे जत्नें गी नमां रूप दिता ऐ। इंदे च मकामी क्षमता निर्माण ते मौकें दा सृजन, बजार तगर पुज्ज यकीनी करना ते डिजिटल क्रांति अनुभव सांझा करिए अफ्रीका दा विकास ते औदी असल क्षमता उजागर करने दी भारत दी प्रतिबद्धता शामिल ऐ।

दौनें मुख्यें बशकार लगभग 100 अरब डालर दा बपार हुंदा ऐ ते अजे तगर 75 अरब डालर सोयां मते दा निवेश होआ ऐ।

<><><><><><>

RBI

भारतीय रिजर्व बैंक दे गवर्नर शक्तिकांत दास होरें आखेआ ऐ जे भात अपनी आर्थिक वृद्धि दे रबंधे च महत्वपूर्ण रचनात्मक बदलावें दी दोआठन पर ऐ ते जीडीपी 8 फीसद दी वृद्धि दर हासल करने आली भेठा बदा रदा ऐ। मुम्बई च बाम्बे वाणिज्य ते उद्योग परिसंघ दी 188मीं सालाना आम सभा गी संबोधित करदे होई उनें आखेआ जे भारत दी विकास गाथा च बक्ख-बक्ख सेक्टर ते बक्ख-बक्ख रचनात्मक सुधारें दा योगदान रेआ ऐ। उनें दस्सेया जे मासिक जीएसटी गुराई इक लक्ख 70 जहार करोड़ रपे तगर पुज्जी गेई ऐ।

<><><><><><>

LG

जम्मु-कश्मीर च कल उपराज्यपाल मनोज सिन्हा होरें बालटाल च श्री अमरनाथ जी जातरा आभार शिविर दा दौरा लाया ते इस म्हीने दी 29 तरीक गी शुरू होने आहली पवित्र तीर्थ जातरा दे इंतजाम दी समीक्षा कीती। उनें प्रशासन SASB, पुलस, सुराक्षाबलें ते होरनें हितधारक मैहकमे दे बड्डे अफसरें गी बेहतर सुरक्षा ते यात्रा प्रबंधन लेई इक दुए कन्ने तालमेल बनाने दे हुकम दिते।

<><><><><><>

SC-Kejriwal

सुप्रीम कोर्ट च दिल्ली दे मुखमंत्री अरविंद केजरीवाल हुंदी याचिका पर सुनवाई होग। याचिका च हेठली अदालत आस्सेआ मंजूर जमानत रोकने दे हाई कोर्ट दे आदेश गी चुनौती दिती गई। प्रवर्तन निदेशालय नै 21 मार्च गी केजरीवाल होरें गी गिरफ्तार कीता हा। 20 जून गी दिल्ली दी इक अदालत नै केजरीवाल हुंदी जमानत मंजूर कीती ही ते इक लक्ख रपे दे निजी मुचल्के पर रिहाई दा आदेश दिता हा। प्रवर्तन निदेशालय नै इस जमानत आदेश गी दिल्ली हाई कोर्ट च चुनौती दिती ही।

<><><><><><>

Dr. Jatinder Singh

केंद्री मंत्री डॉ. जितेंद्र सिंह होरें विश्वास जाहिर कीता ऐ जे भारत दी परमाणु उर्जा पैदावार समर्थन अगले 5एं बरें च तकरीबन 70 फीसदी तगर बदी जाग। एह गल्ल उनें कल नमीं दिल्ली च ऐटमी उर्जा सरबंधी मैहकमें दी 100 दिनें दी कार्ययोजना दा जायजा लैने लेई सद्दी गेदी इक उच्च सतह दी बैठक दी प्रधानता करदे होई आखी। डॉ. सिंह होरें उर्जा सरबंधी खेतरें च भारत आस्सेआ परमाणु उर्जा ते नवीकरणीय उर्जा च हासल प्रगति पर बी लो पाई।

<><><><><><>

WHO

विश्व सेहत संगठन नै दक्खन पूर्व एशिया दे सदस्य मुल्खें गी आखेआ ऐ जे कुसै बी रूपै च शराब ते तम्बाकू दा इस्तेमाल नुकसानदेह ऐ ते इसी प्रमुखता कन्नै मन्नेआ जाना लोड़चदा। संगठन नै आखेआ जे इनें उत्पादें दे गैर कनूनी बपार खलाफ ठोस कार्रवाई होनी लोड़चदी। बैकाक च आयोजित क्षेत्रीय कार्यशाला च संगठन दी क्षेत्रीय कार्यशाला च संगठन दी क्षेत्रीय निदेशक सायमा वाजेद होरें आखेआ जे गैर कनूनी बपार ते होर सरबन्धी चुनौतिं कन्नै निब्बडने आस्जतै सारे सदस्य मुल्खें गी तम्बाकू नियंत्रण संधी च शामिल होना लोड़चदा।

<><><><><><>

IMD

मौसम विभाग नै सौराष्ट्र, कच्छ ते पच्छिम मध्य प्रदेश दी किश थाहरें अज्ज ते कल बरखा पौने दी पेशनगोई कीती ऐ। तटवर्ती कर्नाटक, तमिलनाडू, केरल, उत्तरी, कर्नाटक दे अंदरूनी हिस्सें, तेलंगाना, तटीय आंध्र प्रदेश ते छत्तीसगढ़ च शुक्रवार तगर ते गुजरात च इस म्हीने दी 29 तरीक तगर बरखा होई सकदी ऐ। कोंकण ते गोवा मध्य महाराष्ट्र, मारठवाड़ा, कर्नाटक, केरल ते लक्ष्यद्वीप च अगले 5 दिनें दौरान हल्की थवां दरम्याने दर्जे दी बरखा दा अनुमान ऐ। विभाग नै आखेआ ऐ जे जम्म संभाग दी किश थाहरें पंजाब ते पच्छमी राजस्थान च कल तगर गर्म हवा जारी रौहग।

<><><><><><>